

Satzung was aus jedem
Muth/ das ist ain vnd dreyßig Mezen/Waik
 oder anderm Getraidt/ so geschrotten oder gemallen wirdt/
 hinfüran da man sich der Maß gebrauchet/ menniglich von
 denen Müllen heraus geben werden solle/ vnd wol geben
 werden mag/ nach gelegenheit der alten vnd jüngsten fleis-
 sigen Eyhung/ Sach/ vnd Prob.

Erstlich Maß des
Schrotten.

An ainem Muth/ das ist
 ain vnd dreyßig Mezen/ lauttern ge-
 reuterten vnd geschrotenem Waik/
 der geschrotten vnd geschaiden wirdt/
 ist der Mühlherz oder Müllner her-
 auß zugeben schuldig/ in Meel/
 Sembleß/ das die recht schön Weis-
 sen hat/ sechzehn/ Vollens/ vier-
 zehen/ vnd Oblaß zehen/ darzu Kbleiben sibenzehen ge-
 strich/ 3d est/ Sieben vnd fünffzig Gestrich.